

Табиғи монополиялар субъектілерінің, шығындары реттеліп көрсетілетін қызметтерге тарифтер (бағалар, алым ставкаларын) немесе олардың шекті деңгейлері мен тарифтік сметалар бекіту кезінде ескерілетін тауарларды, жұмыстар мен қызметтерді сатып алу ережесін бекіту туралы

Күшін жойған

Қазақстан Республикасының Табиғи монополияларды реттеу және бәсекелестікті қорғау жөніндегі агенттігі төрағасының 2003 жылғы 6 маусымдағы N 149-НҚ бұйрығы. Қазақстан Республикасы Әділет министрлігінде 2003 жылғы 20 маусымда тіркелді. Тіркеу N 2373. Күші жойылды - Қазақстан Республикасы Табиғи монополияларды реттеу агенттігі төрағасының м.а. 2012 жылғы 17 ақпандағы № 25-НҚ бұйрығымен

Ескерту. Бұйрықтың күші жойылды - ҚР Табиғи монополияларды реттеу агенттігі төрағасының м.а. 2012.02.17 № 25-НҚ (қол қойылған күнінен бастап күшіне енеді) бұйрығымен.

Ескерту: Бұйрықтың атауына өзгерту енгізілді - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ бұйрығымен.

"Табиғи монополиялар және реттелетін нарықтар туралы" Қазақстан Республикасы Заңын және Қазақстан Республикасы Үкіметінің 2007 жылғы 12 қазандағы № 943 қаулысымен бекітілген Қазақстан Республикасы Табиғи монополияларды реттеу агенттігі туралы ереженің 21-тармағының 6) тармақшасын басшылыққа ала отырып **БҰЙЫРАМЫН:**

Ескерту: Бұйрықтың кіріспесі жаңа редакцияда - ҚР Табиғи монополияларды реттеу агенттігі Төрағасының 2009.02.05 N 30-НҚ бұйрығымен.

1. Қоса беріп отырған Табиғи монополиялар субъектілерінің, шығындары реттеліп көрсетілетін қызметтерге тарифтер (бағалар, алым ставкаларын) немесе олардың шекті деңгейлері мен тарифтік сметалар бекіту кезінде ескерілетін тауарларды, жұмыстар мен қызметтерді сатып алу ережесі бекітілсін.

Ескерту: 1-тармаққа өзгерту енгізілді - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ бұйрығымен.

2. Заңнама және тұрғын үй-коммуналдық қатынастарды реттеу департаменті (Жолдыбаева Ғ.Т.) осы бұйрықты Қазақстан Республикасының Әділет министрлігінде заңда белгіленген тәртіппен мемлекеттік тіркеуден өткізуді қ а м т а м а с ы з е т с і н .

3. Әкімшілік жұмысы департаменті (А.Т.Шабдарбаев):
Ережені ресми бұқаралық ақпарат құралдарында заңда белгіленген тәртіппен

жариялауды қамтамасыз етсін;

Ережені Қазақстан Республикасының Табиғи монополияларды реттеу және бәсекелестікті қорғау жөніндегі агенттігінің құрылымдық бөлімшелері мен аумақтық органдарының назарына жеткізсін.

4. "Табиғи монополия субъектілерінің өндірістік мұқтаждар үшін материалдық және қаржылық ресурстарды, жабдықтарды тендерлік негізде сатып алу ережесін бекіту туралы" Қазақстан Республикасы Табиғи монополияларды реттеу және бәсекелестікті қорғау жөніндегі комитетінің 1998 жылғы 15 тамыздағы N 03/1-НҚ бұйрығының күші жойылды деп танылсын.

5. Осы бұйрықтың орындалуын бақылау Қазақстан Республикасы Табиғи монополияларды реттеу және бәсекелестікті қорғау жөніндегі агенттігі төрағасының орынбасары А.К.Әмірінге жүктелсін.

6. Осы бұйрық Қазақстан Республикасының Әділет министрлігінде мемлекеттік тіркелген күнінен бастап қолданысқа енгізіледі.

Төраға

Қазақстан Республикасының
Табиғи монополияларды
реттеу және бәсекелестікті қорғау
жөніндегі агенттігі төрағасының
2003 жылғы 6 маусымдағы N 149-НҚ
бұйрығымен бекітілген

Табиғи монополиялар субъектілерінің, шығындары реттеліп көрсетілетін қызметтерге тарифтер (бағалар, алым ставкаларын) немесе олардың шекті деңгейлері мен тарифтік сметалар бекіту кезінде ескерілетін тауарларды, жұмыстар мен қызметтерді сатып алу ережесі

Ескерту: Атауындағы және одан әрі мәтін бойынша "Табиғи монополиялар субъектілерінің, шығындары олар көрсететін қызметтерге тарифтер (бағалар, алымдар ставкаларын) қалыптастыру кезінде ескерілетін материалдық, қаржылық ресурстарды және қызметтерді сатып алу" деген сөздер "Табиғи монополиялар субъектілерінің, шығындары реттеліп көрсетілетін қызметтерге тарифтер (бағалар, алым ставкаларын) немесе олардың шекті деңгейлері мен тарифтік сметалар бекіту кезінде ескерілетін тауарларды (жұмыстар мен қызметтерді) сатып алу" деген сөздермен ауыстырылды;

барлық мәтін бойынша "(жұмыстарды, қызметтерді)", "материалдық, қаржылық ресурстарды және қызметтер көрсетуді" деген сөздер тиісінше "

жұмыстарды, қызметтерді", "тауарларды, жұмыстарды және қызметтерді" деген сөздермен ауыстырылды;

алғы сөздегі үшінші абзац алынып тасталды - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ бұйрығымен.

Табиғи монополиялар субъектілерінің, шығындары реттеліп көрсетілетін қызметтерге тарифтер (бағалар, алым ставкаларын) немесе олардың шекті деңгейлері мен тарифтік сметалар бекіту кезінде ескерілетін тауарларды, жұмыстар мен қызметтерді сатып алудың осы ережесі (бұдан әрі - Ереже) "Табиғи монополиялар және реттелетін нарықтар туралы" Қазақстан Республикасының 1998 жылғы 9 шілдедегі Заңына сәйкес әзірленді және жалпы құқықтық және экономикалық қағидаттарды, сондай-ақ табиғи монополиялар субъектілерінің, шығындары реттеліп көрсетілетін қызметтерге тарифтер (бағалар, алым ставкаларын) немесе олардың шекті деңгейлері мен тарифтік сметалар бекіту кезінде ескерілетін тауарларды, жұмыстар мен қызметтерді сатып алуды өткізу тәртібін белгілейді.

Осы Ереженің мақсаттары табиғи монополиялар субъектілерінің, шығындары реттеліп көрсетілетін қызметтерге тарифтер (бағалар, алым ставкаларын) немесе олардың шекті деңгейлері мен тарифтік сметалар бекіту кезінде ескерілетін тауарларды, жұмыстар мен қызметтерді сатып алуды барынша үнемді және тиімді қамтамасыз ету болып табылады.

Осы Ережеде көзделген талаптар "Табиғи монополиялар және реттелетін нарықтар туралы" Қазақстан Республикасының 1998 жылғы 9 шілдедегі Заңының 18-4-бабының 9-тармағында 3-тармақтың екінші бөлігімен айқындалған рынок субъектілеріне қолданылмайды.

Ескерту: Кіріспеге өзгертулер енгізілді - ҚР Табиғи монополияларды реттеу агенттігі төрағасының 2009.02.05 N 30-НҚ Бұйрығымен.

1-бөлім. Жалпы ережелер 1-тарау. Осы Ережеде пайдаланылатын ұғымдар

Ескерту: 1-тарау жаңа редакцияда жазылды - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ бұйрығымен.

1. Осы Ережеде мынадай ұғымдар пайдаланылады:

1) тапсырыс берушінің қосылма тұлғасы - (оның қызметін берілген өкілеттіктер шеңберінде жүзеге асыратын мемлекеттік органдарды қоспағанда) шешімді тікелей және (немесе) жанама анықтау және (немесе) табиғи монополия субъектісі қабылдаған шешімге, оның ішінде шарттың күшіне, ауызша шартты қоса, немесе өзге мәмілелерге әсер ету мүмкіндігі бар тұлға, сондай-ақ табиғи монополия субъектісіне қатысты осындай құқығы бар кез келген тұлға;

2) ықтимал өнім берушінің қосылма тұлғасы - шешімді тікелей және (немесе) жанама анықтауға және (немесе) осы ықтимал өнім беруші қабылдаған шешімге, оның ішінде шарттың күшіне немесе өзге мәмілеге әсер ету құқығы бар кез келген жеке немесе заңды тұлға, сондай-ақ осы ықтимал өнім берушіге қатысты осындай құқығы бар кез келген жеке немесе заңды тұлға;

3) тендерлік өтінімді кепілді қамтамасыз ету - тендерге қатысуға тілек білдірген ықтимал өнім беруші ұсынған ақша кепілзаты немесе банк кепілдігі;

4) тапсырыс беруші - сатып алуды осы Ережеге сәйкес жүзеге асыратын табиғи монополия субъектісі;

5) сатып алу - тапсырыс берушінің шығындары реттеліп көрсетілетін қызметтерге тарифтер (бағалар, алым ставкаларын) немесе олардың шекті деңгейлері мен тарифтік сметалар бекіту кезінде ескерілетін тауарларды, жұмыстар мен қызметтерді тапсырыс берушінің осы Ережеде белгіленген тәртіппен және тәсілмен сатып алуы;

6) құзыретті орган - бір облыстың аумағында су шаруашылығы жүйесінің реттеліп көрсетілетін қызметтерін көрсететін салалық министрлік және (немесе) ведомство және (немесе) кәріз жүйесінің реттеліп көрсетілетін қызметтерін көрсететін табиғи монополиялар субъектілері үшін - жергілікті атқарушы органдар, ал екі немесе одан да көп облыстар аумағында су шаруашылығы жүйесінің реттеліп көрсетілетін қызметтерін көрсететін табиғи монополиялар субъектілері үшін - Қазақстан Республикасы Ауыл шаруашылығы министрлігінің Су ресурстары жөніндегі комитеті;

7) бір тектес тауарлар, жұмыстар, қызметтер - бірыңғай болып табылмайтын, ұқсас сипаттамасы бар және оларға сол бір функцияны орындауға және өзара алмасатындай болуға мүмкіндік беретін ұқсас құраластардан тұратын тауарлар, жұмыстар және қызметтер;

8) табиғи монополия субъектісі сатып алатын шығындары реттеліп көрсетілетін қызметтерге тарифтер (бағалар, алым ставкаларын) немесе олардың шекті деңгейлері мен тарифтік сметалар бекіту кезінде ескерілетін тауарлардың, жұмыстардың және қызметтердің тізбесі (бұдан әрі - Тізбе) - бір жылдың ішінде табиғи монополия субъектісі сатып алатын шығындары реттеліп көрсетілетін қызметтерге тарифтер (бағалар, алым ставкаларын) немесе олардың шекті деңгейлері мен тарифтік сметалар бекіту кезінде ескерілетін тауарлардың, жұмыстардың және қызметтердің өлшем бірліктерін, көлемдерін, мерзімдерін, сатып алу тәсілдерін, сондай-ақ бір жылдың ішінде тауарлардың, жұмыстардың және қызметтердің әрбір түрін сатып алуға жұмсалған сомалардың ең жоғары мөлшері көрсетілген номенклатурасы;

9) ықтимал өнім беруші - заңды, жеке тұлға немесе жеке кәсіпкер;

10) тендер - ықтимал өнім берушілердің арасындағы бәсекелестікті көздейтін

және сатып алу шартының барынша пайдалы талаптарын анықтауға бағытталған
с а т ы п а л у т ә с і л і ;

11) тендерлік құжаттама - тапсырыс берушінің тендер өткізу шарты мен тәртібін қамтитын тендерлік өтінім дайындау үшін ықтимал өнім берушіге ұ с ы н а т ы н құ ж а т ы ;

12) тендерлік өтінім - тендерлік құжаттамаға сәйкес жасалған ықтимал өнім берушінің тендерлік ұ с ы н ы с ы ;

13) тендерлік комиссия - осы Ережеде белгіленген жағдайларда және тәсілдермен тауарларды, жұмыстарды және қызметтерді сатып алуды жүзеге асыру үшін тапсырыс беруші қызметкерлердің ішінен қалыптасатын комиссия;

14) уәкілетті орган - табиғи монополиялар салаларындағы және реттелетін нарықтардағы басшылықты жүзеге асыратын мемлекеттік орган;

15) стратегиялық тауарларды өндірушілер немесе стратегиялық тауарларды өндіруге (өңдеуге) арналған шикізаттың меншік иесі болып табылатын - стратегиялық тауарларды өндіруші не оларды шетел өндірушісінің атынан Қазақстан Республикасының аумағына тікелей сататын жеке және заңды тұлға;

16) мерзімі өткен берешек - шартта не өтеу кестесінде белгіленген мерзімде төленбеген берешек ;

17) стратегиялық тауарлар - табиғи монополиялар субъектілері жылу энергиясын өндіру үшін отын ретінде пайдаланатын көмір, газ, мазут, дизель отыны, электр энергиясын беру және тарату, су шаруашылығы және кәріз жүйелерінің, газ – меншік мұқтажы үшін және ысырап газды немесе газ конденсатын магистральдық және (немесе) таратушы құбыржолдары арқылы тасымалдау саласындағы табиғи монополиялар субъектілері үшін электр э н е р г и я с ы .

Ескерту: 1-тармаққа өзгертулер енгізілді - ҚР Табиғи монополияларды реттеу агенттігі төрағасының 2005 жылғы 28 желтоқсандағы N 374-НҚ , 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз), 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі), 2009.02.05 N 30-НҚ Бұйрықтарымен .

**2-тарау. Табиғи монополиялар субъектілерінің,
шығындары олар көрсететін қызметтерге тарифтер
(бағалар, алымдар ставкаларын) қалыптастыру кезінде ескерілетін
тауарларды, жұмыстарды және қызметтерді
сатып алу процесін құқықтық реттеу қағидаттары**

Ескерту: 2-тараудың атауы жаңа редакцияда жазылды - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ бұйрығымен .

2. Тендерді табиғи монополия субъектісі мынадай қағидаттарды сақтай отырып өткізеді, олар :

- 1) тендер рәсімдерін өткізудің ашықтық және жариялылық;
- 2) барлық әлеуетті жеткізіп берушілерге тендерге қатысу үшін тең мүмкіндіктерді қамтамасыз ету;
- 3) әлеуетті жеткізіп берушілер арасындағы адал бәсекелестік қағидаттарын сақтауға тиіс.

3-тарау. Табиғи монополиялар субъектілерінің, сатып алынатын, шығындары олар көрсететін қызметтерге тарифтер (бағалар, алымдар ставкаларын) қалыптастыру кезінде ескерілетін тауарлардың, жұмыстардың және қызметтердің тізбесін қалыптастыру

Ескерту: 3-тарау жаңа редакцияда жазылды - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ бұйрығымен .

3. Табиғи монополия субъектісі жыл сайын, 31 желтоқсанға дейінгі мерзімде келесі күнтізбелік жылға, бірінші басшының бұйрығымен бекітілген қолы мөрмен расталған Тізбені қалыптастырады және құзыретті және уәкілетті органдарға мәлімет үшін жібереді. Құзыретті және уәкілетті органға ұсынылатын тізбе тігілуге және нөмірленуге, соңғы беті тапсырысшының бірінші басшысының немесе оның міндетін атқарушы тұлғаның қолымен және тапсырысшының мөрімен расталуға тиіс.

Табиғи монополия субъектісі Тізбеге өзгерістер мен толықтырулар енгізуге құқылы. Тізбеге енгізілетін өзгерістер мен толықтырулар Тізбеде белгіленген талаптарға сәйкес келуге тиіс және оларды қабылдаған сәттен бастап 10 күннен кешіктірмей құзыретті және уәкілетті органға ұсынылады.

Ескерту: 3-тармаққа өзгертулер енгізілді - ҚР Табиғи монополияларды реттеу агенттігі төрағасының 2005 жылғы 28 желтоқсандағы N 374-НҚ , 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрықтарымен.

4. С а т ы п а л у п р о ц е с і :

- 1) Тізбе жасауды күнтізбелік жылға;
- 2) жеткізушіні таңдауды, олармен шарт жасасуды;
- 3) шарттың атқарылуын қамтиды.

Ескерту: 4-тармаққа өзгерту енгізілді - ҚР Табиғи монополияларды реттеу

агенттігінің 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрығымен .

4-тарау. Сатып алу тәсілдері

Ескерту: 4-тарау жаңа редакцияда жазылды - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ бұйрығымен.

5. Табиғи монополиялар субъектілерінің, шығындары олар көрсететін қызметтерге тарифтер (бағалар, алымдар ставкаларын) қалыптастыру кезінде ескерілетін тауарларды, жұмыстарды және қызметтерді сатып алуы осы Ереженің 6 және 9-тармақтарында көзделген жағдайларды қоспағанда, тендер нысанында және Тізбеге сәйкес жүзеге асырылады.

Ескерту. 5-тармаққа өзгерту енгізілді - ҚР Табиғи монополияларды реттеу агенттігінің 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрығымен.

5-1. Стратегиялық тауарларды сатып алуды табиғи монополия субъектісі стратегиялық тауарларды өндірушілерден мына жағдайларды:

электр энергиясының және қуаттың орталықтандырылған сауда нарықтарына рұқсат болмаған кезде тиісті тауар нарығында электр энергиясы тапшылығының б о л у ы ;

табиғи монополия субъектісінің тұтынушыларға берілетін электр энергиясының көтерме нарығына қатысуға арналған талаптарға сәйкес келмеуі;

электр энергиясын беру және тарату салаларындағы табиғи монополиялар субъектілерінің шаруашылық мұқтаждарына электр энергиясын сатып алу;

газды оның импортын жүзеге асыратын ұйымдардан, газ тапшылығы болған кезде сатып алу жағдайларын қоспағанда, тікелей сатып алуды жүзеге асырады.

Ескерту: 5-1-тармақ жаңа редакцияда - ҚР Табиғи монополияларды реттеу агенттігінің 2009.02.05 N 30-НҚ бұйрығымен .

6. Ескерту. 6-тармақ алып тасталды - ҚР Табиғи монополияларды реттеу агенттігінің 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрығымен.

7. Ашық және жабық тендерлер екі кезеңдік рәсімдерді қолдана отырып, өткізілуі мүмкін.

8. Ашық немесе жабық тендер өткізілгенге дейін он күн бұрын, тапсырыс беруші оның жүзеге асырылу тәсіліне қарамастан, уәкілетті органды хабардар етуге міндетті. Қайталама тендерді өткізу кезінде тапсырысшы оны өткізгенге дейін жеті күннен кешіктірмей уәкілетті органды хабардар етеді.

Уәкілетті орган өз өкілін ашық және жабық тендер тәсілдерімен өткізілетін сатып алу рәсіміне қатысу үшін байқаушы ретінде жібере алады.

Уәкілетті органның өкілі тендер комиссиясының құрамына енгізіле алмайды және тендер комиссиясы шешім қабылдаған кезде дауыс құқығы жоқ.

Ескерту: 8-тармаққа өзгертулер енгізілді - ҚР Табиғи монополияларды реттеу агенттігі төрағасының 2005 жылғы 28 желтоқсандағы N 374-НҚ, 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрықтарымен.

8-1. Табиғи монополия субъектісінің қызметтерін (тауарларын, жұмыстарын) тұтынушы табиғи монополия субъектісінің қызметтерді (тауарларды, жұмыстарды) сатып алуды жүзеге асыруы жөніндегі тендерлерге байқаушы ретінде қатысуға құқылы.

Табиғи монополия субъектісінің қызметтерін (тауарларын, жұмыстарын) тұтынушы уәкілетті органға тапсырысшының, тендерлік комиссияның, тендерлік комиссиясы хатшысының (хатшылығының), техникалық сарапшылардың заңсыз іс-әрекеттеріне шағым жасауға құқылы.

Ескерту: 8-1-тармақпен толықтырылды, өзгертулер енгізілді - ҚР Табиғи монополияларды реттеу агенттігі төрағасының 2006 жылғы 3 наурыздағы N 63-НҚ, 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрықтарымен.

9. Табиғи монополия субъектісі, егер сатып алудың құндық көрінісінің жылдық көлемі осы Ереженің 65-тармағында белгілеген шекті мөлшерінен аспаған жағдайда, тауарларды, жұмыстарды және қызметтерді тендер өткізбестен сатып алуды жүзеге асырады.

Ескерту: 9-тармаққа өзгерту енгізілді - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрықтарымен.

9-1. Табиғи монополия субъектісі өздерінің қосылма тұлғалары үшін тендерді бірыңғай ұйымдастырушысы ретінде көрінуге құқылы.

9-2. Табиғи монополиялар субъектілері мазут және (немесе) дизель отынының түріндегі стратегиялық тауарларды көрсетілген мұнай өнімдерінің меншік иелері болып табылатын мұнайдың меншік иелерінен немесе мұнай өнімдерін өндірушілерден сатып алуды жүзеге асырады.

Ескерту: 9-2-тармақпен толықтырылды - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрығымен.

5-тарау. Сатып алу процесіне байланысты шектеулер

10. Қазақстан Республикасының Үкіметі белгілеген жағдайларды қоспағанда, көрсетілген Тапсырыс беруші өткізетін тендерге (лотқа) Тапсырыс берушінің екі

және одан көп аффилиирленген тұлғасының қатысуға құқығы жоқ.

Ескерту: 10-тармақ жаңа редакцияда жазылды - ҚР Табиғи монополияларды реттеу агенттігі төрағасының 2005 жылғы 28 желтоқсандағы N 374-НҚ бұйрығымен (қолданысқа енгізілу тәртібін 5-тармақтан қараңыз).

11. Тапсырыс берушінің қызметкері сатып алу рәсімдерімен байланысты міндеттерді орындай алмайды, егер ол әлеуетті жеткізіп берушінің лауазымдық немесе сенімді тұлғасы, жақын туысқаны (ата-анасы, жұбайы, зайыбы, бауырлары, апа-сіңлілері, балалары) не өзгедей түрде тендер нәтижесіне жеке мүдделі болып табылса.

12. Әлеуетті жеткізіп беруші мен қосылма тұлғаның бір тендерге (лотқа) қатысуға құқығы жоқ.

6-тарау. Әлеуетті жеткізіп берушіге қойылатын біліктілік талаптары

13. Сатып алуға қатысу үшін әлеуетті жеткізіп беруші мынадай біліктілік талаптарына сай болуға тиіс:

1) сатып алатын тауарлардың, жұмыстардың және қызметтердің рыногында кемінде бір жыл кәсіби біліктілігіне, сондай-ақ жұмыс тәжірибесіне ие болуға тиіс. Сатып алатын тауарлардың, жұмыстардың және қызметтердің рыногында жұмыс тәжірибесінің болу қажеттілігі туралы талаптар шағын кәсіпкерліктің субъектілеріне және мүгедектер қоғамдық бірлестіктерінің ұйымдарына қолданылмайды;

2) сатып алу туралы шарт бойынша міндеттемелерін орындауға қажетті қаржылық, материалдық және еңбек ресурстарының болуы;

3) сатып алу туралы шарт жасасу үшін азаматтық құқықтық қабілетінің болуы;

4) таратуға жатпайтын сатып алуды жүргізу сәтінде төлемге қабілетті болып табылуы, оның қаржы-шаруашылық қызметі Қазақстан Республикасының Заңдарына сәйкес тоқтатылуға тиіс емес.

Ескерту: 13-тармаққа өзгертулер енгізілді - ҚР Табиғи монополияларды реттеу және бәсекелестікті қорғау жөніндегі агенттігінің 2003 жылғы 12 желтоқсандағы N 321-НҚ бұйрығымен, 2005 жылғы 28 желтоқсандағы N 374-НҚ бұйрығымен (қолданысқа енгізілу тәртібін 5-тармақтан қараңыз).

14. Әлеуетті жеткізіп беруші оның біліктілік талаптарына сәйкестігін растауда тапсырыс берушіге аттестаттарының, куәліктерінің, патенттерінің, лицензияларының, сертификаттарының, дипломдарының, анықтамаларының өзге

де құжаттарының көшірмелерін ұсынады.

Қазақстан Республикасының заң актілерімен міндетті түрде аудит жүргізуге белгіленген заңды тұлғалар да соңғы қаржылық жылға аудиторлық есеп береді.

15. Тапсырыс беруші әлеуетті жеткізіп берушіге осы ереженің 13-тармағында көзделгеннен өзге біліктілік талаптарын белгілеуге құқығы жоқ.

6-1-тарау. Тауарларды, жұмыстар мен қызметтерді ұзақ мерзімді кезеңге сатып алу

15-1. Табиғи монополиялар субъектісіне құрылыс мердігерлік жұмыстарға және бір жылдан астам кезеңге олармен байланысты қаржылық қызметтер ұсынуға шарттар жасасуға рұқсат етіледі.

Шарт жасасу үшін мынадай қосымша құжаттар:

- 1) Жобалау-алдындағы және/немесе жобалау-сметалық құжаттама;
- 2) құрылысқа арналған техникалық құжаттама қажет.

15-2. Ұзақ мерзімді кезеңге сатып алуды осы Ережеде белгіленген тәртіппен табиғи монополия субъектісі жүзеге асырады.

15-3. Ұзақ мерзімді кезеңге сатып алынған тауарлар, жұмыстар мен қызметтер шарттың қолданылу мерзімі көрсетілген Тізбеде көрсетілуге тиіс.

Ескерту. 6-1-тарау жаңа редакцияда - ҚР Табиғи монополияларды реттеу агенттігінің 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрығымен.

2-бөлім. Сатып алуды ашық тендер тәсілімен жүзеге асыру 7-тарау. Ашық тендерді ұйымдастыру

16. Ашық тендер өткізу туралы әлеуетті жеткізіп беруші тендерлік өтінімдерді қабылдау аяқталған күнге дейін жиырма күнтізбелік күн бұрын мерзімді басылымда хабарландыру жарияланымдармен құлақтандырылады.

Табиғи монополиялар субъектілерінің мемлекеттік тіркелімнің жергілікті бөліміне енгізілген табиғи монополия субъектісі аптасына үш реттен жиі емес шығатын мерзімді баспасөз басылымда, ал Табиғи монополиялар субъектілерінің мемлекеттік тіркелімнің республикалық бөліміне енгізілген табиғи монополия субъектісі және Қазақстан Республикасының барлық аумағында таралатын мерзімді баспасөз басылымда тендер өткізу туралы хабарламаны жария етеді.

Тендерлік өтінімдерді қабылдаудың түпкілікті мерзімі мен тендерлік өтінімдер бар конверттерді ашу процестері арасындағы уақыт ұзақтығы екі сағаттан аспауға тиіс.

Ескерту: 16-тармаққа өзгерту енгізілді - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-

тармақтан қараңыз), 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрықтарымен .

8-тарау. Тендер өткізу туралы хабарландыру (хабарлама)

17. Тендер өткізу туралы хабарландыру (хабарлама) мынадай мәліметтерді:

- 1) тапсырыс берушінің атауын және мекен-жайын;
- 2) сатып алудың атауы (сатып алудың атауы Тізбеде көрсетілген сатып алудың атауына сәйкес келуге тиіс), көлемі, тауарлардың, жұмыстар мен қызметтердің кем дегенде бес атауы, сатып алынатын материалды, қаржылық ресурстар мен қызметтер көрсетуді жеткізу орнын. Бір тендерде тауарлардың, жұмыстар мен қызметтердің бес және одан көп атауларын сатып алған жағдайда, тендерді өткізу туралы хабарландыру сатып алынатын тауарлардың, жұмыстар мен қызметтердің толық тізбесі тапсырысшының тендерлік құжаттамасында көрсетілген сілтемені қамтуға тиіс. Тапсырысшының web-сайты болған кезде, соңғысы сатып алынатын тауарлардың, жұмыстар мен қызметтердің толық тізбесін web-сайтта көрсетеді;
- 3) сатып алынатын материалдарды, қаржылық ресурстар мен қызметтер көрсетулерді жеткізудің талап етілген мерзімін;
- 4) тендер құжаттамасын алудың тәсілі мен орны және оның құнын;
- 5) тендерлік өтінімдер ұсынудың орны мен түпкілікті мерзімін;
- 6) тендерлік өтінімдер бар конверттерді ашу күні, уақыты мен орнын;
- 7) тапсырыс беруші айқындайтын өзге де қажетті ақпаратты қамтуға тиіс.

Ескерту: 17-тармаққа өзгерту енгізілді - ҚР Табиғи монополияларды реттеу жөніндегі агенттігі төрағасының 2005 жылғы 28 желтоқсандағы N 374-НҚ (қолданысқа енгізілу тәртібін 5-тармақтан қараңыз), 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрықтарымен.

9-тарау. Тендерлік комиссия

18. Хабарландыру жарияланғанға дейін, ашық тендер өткізу туралы 1-қосымшаға сәйкес нысан бойынша жарияланған немесе 2-қосымшаға сәйкес нысан бойынша жасалған жабық конкурс өткізу кезінде әлеуетті жеткізіп берушілерге хабарламалар жіберу кезінде, тапсырыс беруші тендерлік құжаттаманы, сондай-ақ тендерлік комиссияның құрамын, тендерлік комиссияның хатшысын бекітеді, ал қажетті болған жағдайда техникалық сарапшыларды белгілейді.

Осы тармақта көрсетілген барлық шешімдер, тапсырыс берушінің бірінші

басшысының немесе оның міндетін атқарушының шешімі немесе бұйрығы (бұйрықтар) деп қабылданады.

Тендерлік комиссия тендерлік комиссия құру және сатып алу туралы шарт күшіне енгенге дейін сатып алуды өткізу туралы шешімді тапсырыс беруші бекіткен сәттен бастап іс-қимыл жасайды.

Тендерлік комиссия мүшелерінің саны тақ болуға және бес адамнан кем болмауға тиіс.

Шағын кәсіпкерлік субъектілері болып табылатын табиғи монополиялар субъектілері үшін, тендерлік комиссия мүшелерінің саны тақ санды құрауға және үш адамнан кем болмауға тиіс.

Тапсырыс беруші тендерлік комиссия мүшелерінің ішінен тендерлік комиссияның төрағасын тағайындайды.

Тендерлік комиссияның мәжілісінде тендерлік комиссия мүшесі өндірістік және өзге себептермен жоқ болған жағдайда тендерлік комиссия мәжілісінің хаттамасында оның жоқ болу себебі және осы фактіні растайтын құжатқа сілтеме көрсетілуі тиіс.

Тапсырысшы барлық қаржы жылына тұрақты құрамы бар тендерлік комиссия құруға құқылы.

Ескерту: 18-тармаққа өзгертулер енгізілді - ҚР Табиғи монополияларды реттеу және бәсекелестікті қорғау жөніндегі агенттігінің 2003 жылғы 12 желтоқсандағы N 321-НҚ, ҚР Табиғи монополияларды реттеу агенттігінің 2005 жылғы 5 наурыздағы N 73-НҚ бұйрықтарымен.

19. Тендерлік комиссия төмендегідей функцияларды жүзеге асырады:

1) мерзімді басылымдарда ашық тендер өткізу туралы хабарландыруларды жариялайды;

2) жабық конкурс өткізу туралы әлеуетті жеткізіп берушілерге хабарламалар жібереді;

3) қажет болған жағдайда, тапсырысшыға тендерлік құжаттамаға өзгерістер мен толықтырулар енгізу жөнінде ұсыныстар енгізеді;

4) тендерлік өтінімдер бар конверттердің сақталуын қамтамасыз етеді;

5) тендерлік өтінімдер бар конверттерді ашуды жүргізеді;

6) тендерлік өтінімдерді қарайды, бағалайды, салыстырады;

7) тендерлік өтінімдерді осы Ережелерге сәйкес қабылдамай тастайды;

8) тендерлік өтінімдер бар конверттер ашылған күннен бастап жиырма күнтізбелік күннен аспайтын мерзімде тендер қорытындысын шығарады;

9) тендердің қатысушыларын тендер қорытындысы туралы жазбаша түрде хабардар етеді.

Ескерту: 19-тармаққа өзгертулер енгізілді - ҚР Табиғи монополияларды реттеу жөніндегі агенттігі төрағасының 2005 жылғы 28 желтоқсандағы N 374-НҚ

, 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрықтарымен .

20. Тендерлік комиссияның отырысы тендерлік комиссияның жалпы санның кем дегенде үштен екі мүшелері қатысқан жағдайда өткізіледі.

Тендерлік комиссияның шешімі ашық дауыс берумен қабылданады және егер оған тендерлік комиссия мүшелерінің жалпы санының көпшілік дауысы берілсе, қабылданды деп есептеледі. Егер дауыстар тең болған жағдайда төраға дауыс берген шешім қабылданды деп есептеледі.

Тендерлік комиссияның мүшелері жазбаша түрде баяндалуға және ашу хаттамасына қоса берілуге немесе тендердің нәтижелерін шығаруға тиіс ерекше п і к і р г е қ ұ қ ы ғ ы б а р .

Ескерту: 20-тармаққа өзгерту енгізілді - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ бұйрығымен .

21. Тендерлік комиссияның хатшысы тендерлік комиссиясының мүшесі болып табылмайды және тендерлік комиссия шешімдер қабылдаған кезде дауыс қ ұ қ ы ғ ы ж о қ .

Тендерлік комиссияның хатшысы әлеуетті жеткізіп берушілерге тендерлік құжаттама ұсынады, тендерлік құжаттаманы алған әлеуетті жеткізіп берушілерді тіркеу журналын жүргізеді, әлеуетті жеткізіп берушілерден тендерлік өтінімдер бар конверттерді қабылдайды, тендерлік комиссия отырыстарының күн тәртібі бойынша ұсыныстар, қажетті құжаттар, материалдар дайындайды және тендерлік комиссия отырыстарының олар өткеннен кейін хаттамаларын ресімдейді, келіп түскен тендерлік өтінімдер мен тендерлік өтінімдер бар конверттердің ұсынылған уақыты мен күні, әлеуетті жеткізіп берушінің уәкілетті өкілінің (тендерлік өтінімі бар конвертті ұсынушы және тендерге қатысушы тұлғаның) аты-жөні көрсетілген, конверттерді ашу рәсіміне қатысуға тілек білдірген әлеуетті жеткізіп берушілердің тіркеу журналын жүргізеді.

Тендерлік құжаттаманы алған әлеуетті жеткізіп берушілердің тіркеу журналы және тендерлік өтінімдерді және тендерлік өтінімдер бар конверттерді ашу рәсіміне қатысуға ниет білдірген әлеуетті жеткізіп берушілерді тіркеу журналы тігілуге, нөмірленуге, соңғы беті бірінші басшының қолымен және тапсырысшының мөрімен расталуға тиіс.

Тапсырысшы қажет жағдайда хатшының жұмысын орындау үшін хатшылық құра алады, ол осы Ережемен белгіленген жағдайларда хатшылық атынан құжаттарға қол қоюға уәкілетті жауапты тұлғаны көрсетумен тапсырысшының тендерлік комиссия құру туралы бұйрығында көрсетілуі тиіс.

Ескерту: 21-тармаққа өзгертулер енгізілді - ҚР Табиғи монополияларды

реттеу және бәсекелестікті қорғау жөніндегі агенттігінің 2003 жылғы 12 желтоқсандағы N 321-НҚ , 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрықтарымен .

22. Техникалық сарапшылар тендерлік комиссия құрамына кірмейді және тендерлік комиссия шешім қабылдаған кезде дауыс құқығы жоқ.

Техникалық сарапшылар әлеуетті жеткізіп берушілер ұсынған материалдық, қаржылық ресурстар мен қызметтердің тендерлік құжаттаманың талаптарына сәйкестігі жөнінде қорытынды береді. Сараптық қорытынды жазбаша түрде ресімделеді және тендерлік комиссия отырысының хаттамасына қоса беріледі.

22-1. Тендерлік комиссияның осы Ереженің нормаларын бұза отырып қабылданған шешімдер заңсыз деп танылады.

Ескерту: 22-1-тармақпен толықтырылды - ҚР Табиғи монополияларды реттеу және бәсекелестікті қорғау жөніндегі агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрықтарымен .

10-тарау. Тендерлік құжаттаманың мазмұны

23. Тапсырыс беруші барлық әлеуетті жеткізіп берушілерге мынадай а қ п а р а т т а р д ы :

1) оның ұсынылған біліктілік талаптарына сәйкестігін растауға әлеуетті жеткізіп берушілер ұсынуға тиісті құжаттардың тізбесін;

2) сатып алынатын материалдық, қаржылық ресурстар мен қызметтердің сипатын, олардың қажетті техникалық және сапалық сипаттамасын, техникалық ерекшеліктерді, жоспарларды, сызбаларды, нобайларды қоса;

3) сатып алынатын материалдық, қаржылық ресурстар мен қызметтердің с а н ы н (к ө л е м і н) ;

4) сатып алынатын тауарларды, жұмыстарды және қызметтерді жеткізіп берудің орны мен шартын;

5) сатып алынатын тауарларды, жұмыстарды және қызметтерді жеткізіп берудің талап етілген мерзімін;

6) төлем шартын және сатып алу шартының жобасын;

7) ұтып шыққан тендерлік өтінім деп белгіленуге тиісті бағалардан басқа, өлшемдердің сипатын, бағалау әдісінің сипаты мен тендерлік өтінімдерді с а л ы с т ы р у д ы ;

8) тендерлік өтінімнің бағаларын есептеудің тәсілі мен әдісін, баға тасымалдау мен сақтандыруға, кеден бажын, салықтар, алымдар мен басқаларды төлеуге арналған шығыстар тәрізді элементтерді қамтуға тиіс пе, соны көрсетуді қоса;

9) тендерлік өтінімнің бағасын оларды салыстыру мен бағалау мақсатында бірыңғай валютаға сәйкес келтіру үшін қолданылатын тендерлік өтінімнің

25. Әлеуетті жеткізіп беруші тапсырыс берушіден тендерлік құжаттаманың түсініктемесін, тендерлік өтінімдерді ұсынудың түпкілікті мерзімі аяқталғанға дейін он күнтізбелік күн бұрын сұратуға құқылы. Тапсырыс беруші өтінімді алған күннен бастап үш жұмыс күнінен кешіктірмей осы сауалға жауап беру және мұндай түсініктемені тендерлік құжаттама жолдаған барлық әлеуетті жеткізіп берушілерге жіберуге тиіс.

Ескерту: 25-тармаққа өзгерту енгізілді - ҚР Табиғи монополияларды реттеу және бәсекелестікті қорғау жөніндегі агенттігінің 2003 жылғы 12 желтоқсандағы N 321-НҚ бұйрығымен .

26. Тапсырыс беруші өз бастамасы бойынша тендерлік өтінімді ұсынудың түпкілікті мерзімі аяқталғанға дейін жеті жұмыс күнінен кешікпейтін мерзімде немесе әлеуетті жеткізіп берушілердің сауалына берген жауапқа тапсырысшының бірінші басшысының немесе оның міндетін атқарушы адамның шешім қабылдауы немесе бұйрық (бұйрықтар) шығаруы жолымен тендерлік құжаттамаға өзгерістер енгізуге құқылы.

Енгізілген өзгерістердің міндетті күші бар және олар туралы тендерлік құжаттама ұсынған барлық әлеуетті жеткізіп берушілер дереу хабардар етіледі. Сонымен бірге тендерлік өтінімдер ұсынудың түпкілікті мерзімін тапсырыс беруші тендерлік өтінімдердегі осы өзгерістерді әлеуетті жеткізіп берушілердің ескеруі үшін кем дегенде он күнтізбелік күн мерзіміне ұзартады.

Ескерту: 26-тармаққа өзгерту енгізілді - ҚР Табиғи монополияларды реттеу және бәсекелестікті қорғау жөніндегі агенттігінің 2003 жылғы 12 желтоқсандағы N 321-НҚ , 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрықтарымен.

27. Тапсырыс беруші тендерлік құжаттамада көрсетілген белгілі орны мен уақытта тендерлік құжаттаманың ережелерін түсіндіру үшін әлеуетті жеткізіп берушілермен кездесулер өткізуге құқылы.

Сонымен бірге тапсырыс беруші кездесу барысында тендерлік құжаттаманы түсіндіру туралы қойылған сұрақтарды, сондай-ақ осы сұрақтарға берілген жауаптарды қамтитын хаттама жасайды. Хаттама тендерлік құжаттама ұсынған барлық әлеуетті жеткізіп берушілерге дереу жіберіледі.

28. Тендерлік құжаттаманы тапсырыс беруші бекітеді.

29. Тапсырыс беруші ұсынылған тендерлік құжаттама үшін тендерлік құжаттаманы көшіруге жұмсалған нақты шығыннан аспайтын төлем өндіріп алуға құқылы .

Төлем тапсырыс берушінің банктік шотына немесе оның бухгалтериясына енгізіледі. Төлем туралы растау тапсырыс берушіге тендерлік құжаттаманы алған кезде ұсынылады .

Тендерлік құжаттама тауарларды, жұмыстар мен қызметтерді өндіретін шағын

кәсіпкерлік субъектілері мен ұйымдарына, Қазақстан Республикасы мүгедектері құрған қоғамдық бірлестіктеріне тегін беріледі.

11-тарау. Тендерлік өтінімдердің қолданылу мерзімі, мазмұны, оны беру, өзгерту және қайтарып алу

30. Тендерге қатысуға тілек білдірген әлеуетті жеткізіп беруші тендерлік өтінімдерді ұсынудың түпкілікті мерзімі аяқталғанға дейін тапсырыс берушіге тендерлік құжаттамаға сәйкес тендерлік өтінімді мөрленген түрде ұсынуға міндетті.

31. Тендерлік өтінімдерді ұсынудың түпкілікті мерзімі аяқталғаннан кейін алынған тендерлік өтінім ашылмайды және оны ұсынған әлеуетті жеткізіп берушіге қайтарылады.

32. Тендерлік өтінім онда тендерлік құжаттамаға сәйкес көрсетілген мерзім і ш і н д е к ү ш і н д е қ а л а д ы .

Тендерге қатысу үшін әлеуетті жеткізіп беруші ұсынған тендерлік өтінімнің қолданылу мерзімі кем дегенде отыз бес күнтізбелік күн болуға тиіс.

Тендерлік құжаттамада көрсетілген қолданылу мерзімі барынша қысқа болса, тендерлік өтінім қабылданбайды.

Ескерту: 32-тармаққа өзгерту енгізілді - ҚР Табиғи монополияларды реттеу және бәсекелестікті қорғау жөніндегі агенттігінің 2003 жылғы 12 желтоқсандағы N 321-НҚ бұйрығымен .

33. Тендерге қатысуға тілек білдірген, заңды тұлға болып табылатын әлеуетті тұлғаның тендерлік өтінімі:

1) 3-қосымшаға сәйкес тендерге қатысуға арналған өтінімді;

2) әлеуетті жеткізіп берушіге ұсынған біліктілік талаптарына сәйкес растау құжаттарын :

әлеуетті жеткізіп берушінің сатып алынатын материалдық, қаржылық ресурстар мен қызметтерді өндіруге, өндеуге, жеткізіп беруге және өткізуге құқығын растайтын лицензиялардың және/немесе патенттердің, куәліктердің, сертификаттардың, дипломдардың, басқа құжаттардың нотариалды куәландырылған (не заңмен белгіленген нысандағы) көшірмелерін;

егер сатып алынған жұмыстар мен қызметтер лицензияланбаған жағдайда, онда әлеуетті жеткізіп беруші орындайтын қызметтер түрлерінің тізбесі бар заңды тұлға жарғысынан алынған үзіндінің нотариалды куәландырылған көшірмесін немесе сауда тізілімінен (Қазақстан Республикасының резидент еместері үшін) мемлекеттік және/немесе орыс тілдеріне аудармасы бар нотариалды куәландырылған заңдастырылған үзіндіні ұсынуы қажет;

бірінші басшы немесе оның орнын алмастыратын тұлға, сондай-ақ бас

бухгалтер (бухгалтер) қол қойған бухгалтерлік теңгерімінің түпнұсқасын немесе нотариалды куәландырылған көшірмесін;

Қазақстан Республикасының заң актілерімен аудитті міндетті түрде өткізу белгіленген заңды тұлғалардың соңғы қаржылық жыл үшін аудиторлық есебінің түпнұсқасын немесе нотариалды куәландырылған көшірмесін;

заңды тұлғаның мемлекеттік тіркелуі (қайта тіркелуі) туралы куәліктерінің нотариалды куәландырылған көшірмесін;

статистикалық карточканың нотариалды расталған көшірмесін;

егер ықтимал өнім беруші Қазақстан Республикасының резиденті болып табылмаған жағдайда, онда статистикалық карточканың нотариалды расталған көшірмесін ұсыну талап етілмейді;

құрылтай шартынан немесе құрылтайшылар құрамы туралы жарғыдан алынған нотариалды куәландырылған үзіндіні, не конверттерді ашу күнінің алдындағы 30 күнтізбелік күннен кешіктірмей берілген акциялар ұстаушыларының тізілімінен нотариалды куәландырылған көшірмесін;

тендерлік өтінімдерімен конверттерді ашқан күнге дейін үш айдан кешіктірмей берілген Қазақстан Республикасы бойынша салық төлеушінің салық берешегінің, міндетті зейнетақы жарналар мен әлеуметтік аударымдар бойынша берешегінің жоқтығы туралы белгіленген нысандағы анықтама;

ықтимал өнім берушінің тендерлік өтінімдері бар конверттерді ашу күнінің алдындағы үш ай бұрын, банктің (банктердің) алдында мерзімі өткен берешектерінің болмауы туралы (егер ықтимал өнім беруші екінші деңгейдегі бірнеше көптеген банктердің немесе филиалдардың, сондай-ақ шетел банкінің клиенті болып табылған жағдайда, мұндай анықтама осындай банктердің әрқайсысынан ұсынылады) бірінші басшының немесе тиісті оң растауы болған жағдайда, оны алмастыратын тұлғаның және бас бухгалтердің қолы мен банктің (банктердің) мөрі бар банктің (банктердің) анықтамасы;

банк (банктер) алдында әлеуетті жеткізушінің мерзімі өткен берешегінің жоқтығы туралы тендерлік өтінімдерімен конверттерді ашу күнінің алдындағы үш ай бұрын банктің (банктердің) анықтамасы. Егер әлеуетті жеткізуші екінші деңгейдегі бірнеше банктердің немесе филиалдардың, сондай-ақ шетелдік банктің клиенті болып табылған жағдайда, осындай анықтама банктің (банктердің) мөрі басылған бірінші басшысының қолымен немесе оны алмастыратын тұлғаның қолымен мұндай банктердің әрқайсысынан беріледі.

Егер анықтамада банктің бірінші басшысының қолы болмаса, онда анықтамамен осындай анықтамаға осы тұлғаның қол қою құқығы берілгенін көздейтін құжаттың көшірмесімен берілуге тиіс;

қалған жағдайларда, егер Қазақстан Республикасының резиденті болып табылмайтын ықтимал өнім берушіге осы тармақта көзделген ұсынылуға тиісті

құжаттар ұсынылмаса, онда бұл өнім беруші жоғарыда көрсетілген талаптарды растайтын құжаттар ұсынылады;

төлем мерзімі Қазақстан Республикасының заңнамасына сәйкес мерзімі өткен жағдайларда, осы салық органының бірінші басшысының немесе қол қоюға құқығы бар тұлғаның мөрленіп, қолы қойылған анықтаманы қамтуға тиіс;

қосымша құн салығы бойынша есепке алу туралы куәлігінің нотариалды куәландырылған көшірмесі;

3) әлеуетті жеткізіп беруші ұсынып отырған бағаны, жеткізіп берілетін материалдық, қаржылық ресурстар мен қызметтердің, ілеспе қызметтердің құнын қоса, түпкілікті бағасын құрайтын әлеуетті жеткізіп берушінің барлық нақты шығындарын қамтуға тиіс 4-қосымшаға сәйкес нысан бойынша ұсынылған соңғы бағаны;

4) тауарлардың шыққан жері мен сапасы куәліктерінің және/немесе сертификаттарының нотариалды куәландырылған көшірмелерін (не заңмен белгіленген нысандағы көшірмесін), сондай-ақ сатып алуға арналған материалдық, қаржылық ресурстар мен қызметтердің қолайлылығын және тендерлік құжаттаманың сәйкестігін растайтын басқа құжаттарды;

5) техникалық сертификаттарды;

6) ұсынып отырған ілеспе қызметтерді;

7) тендерлік өтінімді қамтамасыз етудің енгізілуін растайтын құжаттың түпнұсқасын;

8) тендерлік құжаттамаға сәйкес ұсынуға қажетті және басқа да құжаттарды қамтуға тиіс.

Ескерту: 33-тармаққа өзгертулер енгізілді - ҚР Табиғи монополияларды реттеу және бәсекелестікті қорғау жөніндегі агенттігінің 2003 жылғы 12 желтоқсандағы N 321-НҚ, ҚР Табиғи монополияларды реттеу агенттігінің 2005 жылғы 5 наурыздағы N 73-НҚ, 2005 жылғы 28 желтоқсандағы N 374-НҚ, 2006 жылғы 3 наурыздағы N 63-НҚ, 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрықтарымен.

34. Тендерге қатысуға тілек білдірген жеке кәсіпкерлік немесе жеке тұлға болып табылатын әлеуетті жеткізіп беруші ұсынатын тендерлік өтінім:

1) тендерге қатысуға арналған 5-қосымшаға сәйкес өтінімді және жеке куәлігінің немесе паспортының немесе жеке басын куәландыратын құжаттардың орын алмастыруға қабылдау туралы ішкі істер органдары берген анықтаманың көшірмесін;

2) әлеуетті жеткізіп берушіге ұсынған біліктілік талаптарына сәйкес растау құжаттарын:

әлеуетті жеткізіп берушінің сатып алынатын материалдық, қаржылық ресурстар мен қызметтерді өндіруге, өндеуге, жеткізіп беруге және өткізуге

құқығын растайтын лицензиялардың және/немесе патенттердің, куәліктердің, сертификаттардың, дипломдардың, басқа құжаттардың нотариалды куәландырылған (не заңмен белгіленген нысандағы) көшірмелерін;

занды тұлға құрмай-ақ кәсіпкерлік қызметті жүзеге асыруға құқық беретін, тиісті мемлекеттік орган берген құжаттың нотариалды куәландырылған көшірмесін ;

банк (банктер) алдында әлеуетті жеткізушінің мерзімі өткен берешегінің жоқтығы туралы тендерлік өтінімдерімен конверттерді ашу күнінің алдындағы үш ай бұрын банктің (банктердің) анықтамасы. Егер ықтимал өнім беруші екінші деңгейдегі бірнеше банктердің немесе филиалдардың, сондай-ақ шетелдік банктің клиенті болып табылған жағдайда, осындай анықтама банктің (банктердің) мөрі басылған бірінші басшысының қолымен немесе оны алмастыратын тұлғаның қолымен мұндай банктердің әрқайсысынан беріледі. Егер анықтамада банктің бірінші басшысының қолы болмаса, онда анықтамамен осындай анықтамаға осы тұлғаның қол қою құқығы берілгенін көздейтін құжаттың көшірмесімен берілуге тиіс;

тендерлік өтінімдерімен конверттерді ашқан күнге дейін үш айдан бұрын болмайтын Қазақстан Республикасы бойынша салық төлеушінің салық берешегінің, міндетті зейнетақы жарналары мен әлеуметтік аударымдары бойынша берешегінің жоқтығы туралы тиісті салық орган белгілеген нысандағы анықтама ;

3) әлеуетті жеткізіп беруші ұсынып отырған бағаны, жеткізіп берілетін материалдық, қаржылық ресурстар мен қызметтердің, түпкілікті бағасын құрайтын әлеуетті жеткізіп берушінің барлық нақты шығындарын қамтуға тиіс 4-қосымшаға сәйкес нысан бойынша соңғы бағаны;

4) куәліктердің және/немесе сертификаттардың нотариалды куәландырылған көшірмелерін (не заңмен белгіленген нысандағы көшірмесін), сатып алуға арналған материалдық, қаржылық ресурстар мен қызметтердің қолайлылығын және тендерлік құжаттаманың сәйкестігін растайтын басқа құжаттарды;

5) техникалық сертификаттарды;

6) ұсынып отырған ілеспе қызметтерді;

7) тендерлік өтінімді қамтамасыз етудің енгізілуін растайтын құжаттың түпнұсқасын қамтуға тиіс.

Ескерту: 34-тармаққа өзгертулер енгізілді - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрығымен .

35. Әлеуетті жеткізіп беруші өзінің тендерлік өтінімін ұсынудың түпкілікті мерзімі аяқталғанға дейін, сонымен бірге өзінің тендерлік өтінімін кепілді қамтамасыз етілуін, қайтаруға берілген құқығын жоғалтпастан өзгертуге немесе

қайтаруға құқылы. Қайтарып алу туралы хабарламаны әлеуетті жеткізіп беруші жазбаша нысанда, бірақ тендерлік өтінімдер ұсынудың түпкілікті мерзімінен кешіктірмей жіберуге тиіс.

Тендерлік өтінімді ұсынудың түпкілікті мерзімі аяқталғаннан кейін тендерлік өтінімдерге өзгерістер енгізуге жол берілмейді.

36. Әлеуетті жеткізіп беруші тендерлік өтінімді тігілген, беттері нөмірленген түрде ұсынады және соңғы беті мөрмен расталады.

Тендерлік өтінімнің техникалық бөлігі (тігілген, беттері нөмірленген түрде заңды тұлға немесе жеке кәсіпкер үшін соңғы беті қойылған қолмен немесе мөрмен расталған) мен банк кепілдігінің түпнұсқасы тендерлік өтінімге жеке беріледі. Бұл ретте, егер техникалық ерекшелік және (немесе) банктік кепілдік тендерлік өтініммен бірге тігілсе, онда ол осы тендерлік өтінімнен бас тартуға негіз болып табылмайды. Мұндай жағдайда банктік кепілдіктің түпнұсқасы әлеуетті жеткізушіге қайтарылмайды.

Ескерту: 36-тармаққа өзгерту енгізілді - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрығымен .

37. Әлеуетті жеткізіп беруші "Түпнұсқа" және "Көшірме" деп көрсете отырып, тендерлік құжаттамада тапсырыс беруші қажетіне қарай көрсетілген тендерлік өтінім көшірмелерінің қажетті санын ұсынады.

Тендерлік өтінім түпнұсқалардың көшірмелері машинкада басылуға немесе өшірілмейтін сиямен жазылуға немесе оған әлеуетті жеткізіп беруші қол қоюға тиіс .

Тендерлік өтінім жолдарының арасында ешқандай сөз енгізу, өшіру немесе қосып жазу, әлеуетті жеткізіп берушіге грамматикалық немесе арифметикалық қателерді түзету жағдайларын қоспағанда, болмауға тиіс.

38. Әлеуетті жеткізіп беруші тендерлік өтінімнің түпнұсқасы мен әрбір көшірмесін, оларды "Түпнұсқа" және "Көшірме" деп белгілей отырып, әртүрлі конверттерге салып мөрлейді. Осы конверттерде әлеуетті жеткізіп берушінің атауы мен мекен-жайы көрсетілуге тиіс, бұдан кейін сыртқы конвертке салынып мөрленеді .

Ішкі және сыртқы конверттерде:

1) тендерлік құжаттамада көрсетілген мекен-жай бойынша тапсырыс берушіге жолдануға ;

2) " _____ сатып алу жөніндегі тендер"
(тендердің аты)

және _____

(тендерлік құжаттамасында көрсетілген конверттерді ашу күні және уақыты)

деген сөздер қамтылуға тиіс.

Осы ереженің 35-тармағында көзделген тендерлік өтінімді өзгертуді әлеуетті жеткізіп беруші дайындауға және тендерлік өтінімнің өзі сияқты ұсынуға тиіс.

12-тарау. Тендерлік өтінімді қамтамасыз ету

39. Әлеуетті жеткізіп беруші тендерлік өтінімді ұсынған кезде, сонымен бір мезгілде тендерлік құжаттамада көзделген тәсілмен және шарттар нысанында оның тендерлік өтінімде ұсынылған сатып алынатын материалдық, қаржылық ресурстар мен қызметтер құнының бірден үш процентке дейінгі мөлшерде кепілді қамтамасыз етуді енгізді.

Ескерту: 39-тармаққа өзгерту енгізілді - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрығымен .

40. Тендерлік өтінімді қамтамасыз ету:

- 1) банкте орналастырылған ақша кепілі;
- 2) банк кепілі түрінде ұсынылуы мүмкін;
- 3) Тапсырыс берушінің кассасына ақша қаражаттарын енгізу.

Тендерлік өтінімді ақша кепілі түрінде қамтамасыз етуді әлеуетті жеткізіп беруші тапсырыс берушінің тиісті шотына енгізеді.

Ескерту: 40-тармаққа өзгертулер енгізілді - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ бұйрығымен .

41. Тендерлік өтінімді қамтамасыз етудің қолданылу мерзімі тендерлік өтінімнің өзінің қолданылу мерзімінен кем болмауға тиіс.

42. Тапсырыс беруші тендерлік өтінімді қамтамасыз етуді мынадай:

- 1) тендерлік өтінімнің қолданылу мерзімі аяқталған;
- 2) сатып алу шарты күшіне енген;
- 3) тендерлік өтінімдерді ұсынудың түпкілікті мерзімі аяқталғанға дейін тендерлік өтінімді қайтарып алған;

4) тендерлік құжаттама талаптарына жауап бермейтін ретінде тендерлік өтінімді қабылдамаған;

5) тендер жеңімпазын айқындамастан сатып алу рәсімін тоқтатқан жағдайлар болған сәттен бастап бес жұмыс күнінің ішінде қайтарады.

43. Тендерлік өтінімді қамтамасыз ету тендерлік өтінімді және оның қамтамасыз етілуін ұсынған әлеуетті жеткізіп берушіге егер әлеуетті жеткізіп беруші :

- 1) тендерлік өтінімді берудің түпкілікті мерзімі аяқталғаннан кейін тендерлік

өтінімді қайтарып алған немесе өзгерткен;

2) сатып алу шартын жасамаған, егер ол тендер жеңімпазы деп белгіленген жағдайларда қайтарылмайды.

44. Шағын кәсіпкерліктің субъектілері мен Қазақстан Республикасы мүгедектерінің қоғамдық бірлестіктерімен құрылған тауарлар, жұмыстар мен қызметтер өндіретін ұйымдар болып табылатын әлеуетті жеткізушілер тендерлік құжаттамада көзделген тәсіл мен шарттар нысанда олардың тендерлік өтінімдерінде ұсынылған, сатып алынатын тауарлардың, жұмыстар мен қызметтердің құнынан бірден бір жарым процентке дейін мөлшерде тендерлік өтінімнің кепілдікті қамтамасыз етуін енгізеді.

Ескерту: 44-тармақ жаңа редакцияда - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрығымен .

44-1. Әлеуетті жеткізушілер, егер:

1) шағын кәсіпкерліктің субъектілері болып табылса және тұтастай тендер бойынша олар ұсынатын тауарлардың, жұмыстардың және қызметтердің көлемі құндық көрінісінде айлық есептік көрсеткіштен алты мың есе мөлшерден аспаса;

2) Қазақстан Республикасы мүгедектерінің қоғамдық бірлестіктерімен құрылған тауарлар, жұмыстар мен қызметтер өндіретін ұйымдар болып табылса, тендер бойынша олар ұсынатын тауарлардың, жұмыстардың және қызметтердің көлемі құндық көрінісінде айлық есептік көрсеткіштен он сегіз мың есе мөлшерден аспаса ;

3) екі кезеңді рәсімдерді пайдалана отырып тендердің бірінші кезеңіне қатысса тендерлік өтінімнің қамтамасыз етуін енгізбейді.

Ескерту: 44-1-тармақпен толықтырылды - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрығымен .

13-тарау. Тендерлік өтінімдері бар конверттерді ашу

45. Тендерлік өтінімдері бар конверттерді тендерлік құжаттамада көрсетілген мерзімде және орында тендерлік комиссия ашады.

Әлеуетті жеткізіп берушілер не олардың өкілдері тендерлік өтінімдерді ашу кезінде қатысуға және бейне- және дыбыс техника құралдарын пайдалануға қ ұ қ ы л ы .

Ескерту: 45-тармаққа өзгерту енгізілді - ҚР Табиғи монополияларды реттеу және бәсекелестікті қорғау жөніндегі агенттігінің 2007 жылғы 16 шілдедегі N 189 -НҚ (алғаш рет ресми жарияланған күнінен бастап қолданысқа енгізіледі) бұйрығымен.

46. Тендерлік өтінімдері бар конверттерді ашу кезінде тендерлік комиссия қатысушы тұлғаларға тендерге қатысушы әлеуетті жеткізіп берушілердің атауы мен мекен-жайын, олар ұсынған бағаларды, жеткізіп берудің шарты мен төлемін, тендерлік өтінімдерді қайтарып алу мен өзгертуді, егер олар құжаттамада көрсетілсе, тендерлік өтінімді құрайтын құжаттардың болуы мен болмауы туралы ақпаратты хабарлайды және осы ақпаратты тендерлік өтінімдері бар конверттерді ашу хаттамасына тіркейді.

Тендерлік өтінімдері бар конверттерді ашу хаттамасының көшірмесі ашу рәсімі кезінде қатысқан әлеуетті жеткізіп берушілерге алған күні мен уақытын көрсете отырып, қолдарын қойғызып беріледі, жоқ болғандарға - олардан тиісті сұраным алған күннен бастап үш жұмыс күннен кешіктірмейтін мерзімде ж о л д а н а д ы .

Ескерту: 46-тармаққа өзгертулер енгізілді - ҚР Табиғи монополияларды реттеу және бәсекелестікті қорғау жөніндегі агенттігінің 2003 жылғы 12 желтоқсандағы N 321-НҚ , 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрығымен .

46-1. Тендерлік өтінімдер бар конверттерді ашу хаттамасы тендерлік өтінімдер бар конверттер жоқ болған жағдайда жасалмайды.

Ескерту: 46-1-тармақпен толықтырылды - ҚР Табиғи монополияларды реттеу және бәсекелестікті қорғау жөніндегі агенттігінің 2007 жылғы 16 шілдедегі N 189 -НҚ (алғаш рет ресми жарияланған күнінен бастап қолданысқа енгізіледі) бұйрығымен.

14-тарау. Тендерлік өтінімдерді бағалау және салыстыру

47. Тендерлік өтінімдерді бағалағанда және салыстырғанда:

1) тендерлік комиссия әлеуетті жеткізушіден олардың тендерлік өтінімдеріне сәйкес түсінік сұраттыруға құқылы;

2) тендерлік өтінімді тендерлік құжаттардың талаптарына сәйкес келмейтін ұсыныстар және рұқсаттар бойынша сауалдама жасауға жол берілмейді.

48. Тендерлік комиссия өтінімді мынандай жағдайда кері қайтарады:

1) әлеуетті жеткізуші біліктілік талаптарына сәйкес келмесе;

2) тендерлік құжатта қаралған шартқа сәйкес әлеуетті жеткізуші өтінімнің сол нысандағы көлемде өтінімді қамтамасыз етпесе;

3) тендерлік өтінім тендерлік құжаттың талаптарына жауап бермесе;

4) тендерге қатысуға жіберілген әлеуетті жеткізушілердің тендерлік өтінімдерінің бағалары осы материалдық, қаржылық ресурстар мен қызметтерді сатып алуға бөлінген қаржыдан артық болса.

48-1. Тендерлік комиссия бас тартқан тендерлік өтінім бағалауға және тендерлік өтінімдерді салыстыруға қабылдана алмайды.

Ескерту: 48-1-тармақпен толықтырылды - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрығымен .

49. Тендерлік комиссия тендерді немесе сатып алуды лот бойынша мынадай жағдайда өткерілмеген деп таниды, егер:

1) тендерге қатысуға біліктілік талаптарын қанағаттандыратын кем дегенде екі ықтимал өнім берушіден тендерлік өтінім түскен жағдайда;

1-1) тендерге қатысуға тендерлік құжаттаманың талаптарына жауап беретін кем дегенде екі тендерлік өтінім ұсынылған жағдайда;

2) ұсынылған барлық тендерлік ұсынымдар тендерлік құжаттаманың талаптарына жауап бермегендік ретінде қабылданбаған жағдайда;

3) тендерге қатысуға бір ғана ықтимал жеткізуші өтінім берген жағдайда. Тендерлік өтінімі бар конверт ықтимал өнім берушіге ашылмастан қайтарылады.

Ескерту: 49-тармаққа өзгерту енгізілді - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ , 2007 жылғы 16 шілдедегі N 189 -НҚ (алғаш рет ресми жарияланған күнінен бастап қолданысқа енгізіледі) бұйрықтарымен.

50. Егер тендер жалпы немесе қандай да лот бойынша өткізілмеген деп танылған кезде, тапсырыс беруші:

1) қажет болғанда тендерлік құжаттаманы өзгертеді және қайта тендер өткізеді ;

2) тендерді екі кезеңдік рәсімді пайдаланып өткізеді.

Қайта ашық тендер өткізу қажет болғанда тапсырысшы тендерлік өтінім қабылдау аяқталғанға дейін он күнтізбелік күн бұрын мерзімді баспасөзде х а б а р л а м а ж а р и я л а й д ы .

Осы тармақта көрсетілген іс-қимылдар тапсырысшының бірінші басшысының немесе оның міндетін атқарушы адамның шешімімен немесе бұйрығымен (бұйрықтарымен) ресімделеді.

Ескерту: 50-тармаққа өзгерту, толықтыру енгізілді - ҚР Табиғи монополияларды реттеу және бәсекелестікті қорғау жөніндегі агенттігінің 2003 жылғы 12 желтоқсандағы N 321-НҚ , 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрықтарымен.

51. Тендерлік комиссия тендерлік комиссия бас тартпаған тендерлік өтінімдерді бағалайды және салыстырады, мынадай өлшемдер негізінде немесе тендердің ең төменгі бағасы бойынша жеңімпазды анықтайды:

1) пайдалануға кеткен шығыны, жөндеу және техникалық қызмет;

2) тауарларды, жұмыстарды және қызметтерді жеткізіп беру мерзімі;

3) материалдық ресурстардың функционалдық, техникалық және сапалық с и п а т т а м а с ы ;

4) т ө л е м н і ң ш а р т ы ;

5) тауарларға, жұмыстар мен қызметтерге арналған кепілдіктердің шарттары;

6) отандық тауар өндірушілерді - әлеуетті жеткізіп берушілерді қолдау;

7) әлеуетті жеткізіп берушінің біліктілік туралы деректері.

Ескерту: 51-тармаққа өзгертулер енгізілді - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ , 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрықтарымен .

5 1 - 1 . < * >

Ескерту: 51-1-тармақ алынып тасталды - ҚР Табиғи монополияларды реттеу жөніндегі агенттігі төрағасының 2005 жылғы 28 желтоқсандағы N 374-НҚ бұйрығымен (қолданысқа енгізілу тәртібін 5-тармақтан қараңыз).

52. Тендерлік комиссия тендерлік жеңімпазды анықтаған кезде отандық әлеуетті жеткізіп берушілердің тендерлік өтінімінің бағасын шартты 20 пайызға т ө м е н д е т е д і .

Отандық тауар өндірушілер - 85 пайыздан кем емес жергілікті еңбек ресурстарын пайдаланатын, Қазақстан Республикасының резиденті және Қазақстан Республикасының аумағында пайдалануға дайын тауар өндіретін, заңды немесе жеке тұлға.

53. Тендерлік комиссия тендердің қорытындысын тендерлік өтінімдер конверттері ашылғаннан кейін жиырма күн мерзімінен кешіктірмей қ о р ы т ы н д ы л а й д ы .

Ескерту: 53-тармаққа өзгерту енгізілді - ҚР Табиғи монополияларды реттеу агенттігінің 2006 жылғы 3 наурыздағы N 63-НҚ бұйрығымен .

54. Тапсырысшы жеті жұмыс күні ішінде тендердің (бір көзден сатып алу) қорытындыларын шығарған күнінен бастап барлық қатысқан әлеуетті жеткізіп берушілерді тендер өткізілетіні туралы хабарландыру жарияланған мерзімді баспасөз басылымында тендердің атауын, жеңімпазды, тендер жеңімпазы ұсынған тауардың, жұмыстың және қызметтің атауы мен бағасын көрсете отырып, тендердің нәтижелерін жариялау арқылы хабардар етеді.

Ескерту: 54-тармақ жаңа редакцияда - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрығымен .

5 5 . < * >

Ескерту: 55-тармақ алынып тасталды - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрығымен .

15 тарау. Тендердің қорытындысы туралы хаттама

56. Тендер арқылы сатып алуды іске асырған кезде, тендерлік комиссия тендердің қорытындысы жөнінде мынадай ақпаратты қамтитын хаттаманы рәсімдеуге міндетті:

- 1) сатып алынатын материалдық, қаржылық ресурстар мен көрсететін қызмет түрлерінің қысқаша сипаттамасы мен атауы;
- 2) тендерлік өтінімді ұсынған әлеуетті жеткізіп берушілердің мекен-жайлары мен атаулары;
- 3) тендерлік өтінім ұсынған әлеуетті жеткізіп берушілердің біліктілік деректері;
- 4) әр тендерлік өтінімнің бағасы мен басқа негізгі шарттары;
- 5) тендерлік өтінімдерді салыстыру мен бағасын жазу;
- 6) тендерлік өтінімді кері қайтарғанда - оларды кері қайтарудың негіздері;
- 7) әр лот бойынша тендер жеңімпазының атауы мен мекен-жайы, жеңімпазды анықтаудың шарттары;
- 8) егер тендер жеңімпазы анықталмаған кезде - комиссияның ондай шешім қабылдауға негізі;
- 9) тендерлік құжаттарды сұрастырудың толық жазбасы, оларға жауаптар, сонымен қатар тендерлік құжаттардың өзгертулері мен толықтыруларына жазбалар;
- 10) сатып алу туралы шартқа қол қойылатын мерзімі (тендер жеңімпазының хабарды алған күнінен бастап он жұмыс күнінен артық емес);
- 11) техникалық сарапшылар тарту туралы ақпарат;
- 12) егер конкурс өткен жағдайда, онда Тапсырыс беруші Тізбеде көзделген осы тауарларды, жұмыстарды, қызметтерді сатып алу үшін бөлген сома.

Ескерту: 56-тармаққа өзгертулер енгізілді - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ бұйрығымен , 2005 жылғы 28 желтоқсандағы N 374-НҚ бұйрығымен (қолданысқа енгізілу тәртібін 5 -тармақтан қараңыз).

57. Тендерге қатысушының талабы бойынша оған тендер жеңімпазының таңдалуы жайында және нәтижесі туралы толықтай ақпарат жазба түрінде берілуі тиіс.

57-1. Әлеуетті жеткізіп беруші уәкілетті органға тапсырысшының, тендерлік комиссияның, тендерлік комиссия хатшысының (хатшылығының) және техникалық сарапшылардың заңсыз іс-қимылдарына шағымдануға құқылы.

Ескерту. 57-1-тармақпен толықтырылды - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрығымен .

57-2. Ескерту. 57-2-тармақ алып тасталды - ҚР Табиғи монополияларды реттеу агенттігінің 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрығымен .

3-бөлім. Басқа жолдармен сатып алуды іске асыру 16-тарау. Жабық тендер

58. Тауарларды, жұмыстар мен қызметтерді сатып алу тапсырысшыға бұрын белгілі болған, ықтимал өнім берушілердің шектеулі санында ғана болған жағдайда жабық тендер өткізіледі.

Ескерту. 58-тармақ жаңа редакцияда - ҚР Табиғи монополияларды реттеу агенттігінің 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрығымен .

58-1. Ескерту. 58-1-тармақ алып тасталды - ҚР Табиғи монополияларды реттеу агенттігінің 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрығымен .

59. Жабық тендер өткізу туралы хабар барлық әлеуетті жеткізіп берушілерге, сатып алынатын тауарлар, жұмыстар және көрсетілетін қызмет түрлері оларда нақтылай болғанда, тендерге қатынасуға өтінімдерді қабылдаудың мерзімі аяқталуына жиырма күн қалғаннан кешіктірілмей жіберіледі.

Хабар жіберілетін әлеуетті жеткізіп берушілердің тізімін тапсырыс берушінің басшысы бекітеді.

60. Жабық тендер арқылы сатып алу іске асырылған кезде осы Ереженің 2-бөлімінде қаралған нормалар қолданылады.

17-тарау. Екі кезеңдік рәсімдеу арқылы өткізілетін тендер

61. Екі кезеңдік рәсімдеу арқылы тендер мынадай жағдайда өткізіледі:

1) сатып алынатын материалдық, қаржылық ресурстар мен көрсететін қызмет түрлерінің айрықшылығына байланысты қалыптастырудың, сондай-ақ техникалық мінездемесінің және сапа көрсеткішін анықтаудың күрделілігі;

2) ғылыми зерттеулер, тәжірибелер, іздестірулер, әзірлеулер жасаудың қажеттігі ;

3) бір кезеңдік ашық немесе жабық тендер өткізу жеңімпазды анықтай алмаса.

62. Екі кезеңдік рәсімді пайдаланып тендер өткізу келесі кезеңдердің жиынтығы болып есептеледі :

1) тендерлік құжаттардың негізінде әлеуетті жеткізіп берушілерден сатып алынатын материалдық, қаржылай ресурстардың және көрсететін қызмет түрлерінің техникалық, сапалық сипаттамасы, оларды жеткізудің талаптары (орындалуы, көрсетілуі); әлеуеті жеткізіп берушінің өтінімдерге сәйкес ұсынған алғашқы өтінімін бағаны көрсетпестен қарау; әлеуетті жеткізіп берушінің біліктілік деректерін қарау; керек болған жағдайда материалдық, қаржылық ресурстардың және көрсетілетін қызмет түрлерінің тиісті біліктілік талаптарына, техникалық, сапалық және басқа сипаттарға сәйкестігі, шарттың жағдайы, оларды жеткізу (орындалуы, көрсетілуі);

2) әлеуетті жеткізіп берушінің ұсынған техникалық, сапалық және басқа да, материалдық, қаржылай ресурстар және көрсететін қызмет түрлері сипатының негізінде тапсырыс берушінің тендерлік құжатқа өзгерту енгізуі; тендердің бірінші кезеңінен өткен әлеуетті жеткізіп берушілердің түпкілікті өтінім беруі; оны бағалау және баға ұсынысына, өлшем белгісіне байланысты салыстыру; тендердің қорытындысын шығару.

63. Түпкілікті тендерлік өтінімдер бар конвертті ашқаннан соң он күндік мерзімнен асырмай тендерлік комиссия екі кезеңдік рәсімді пайдаланып тендердің қорытындысын шығарады.

18-тарау. Бағалар ұсыныстарына сұраным

64. Бағалар ұсыныстарын пайдалану арқылы жеткізушіні таңдау айрықшылығы, тапсырыс беруші үшін мәнділікке ие емес, қолда бар тауарлар, жұмыстар және қызметтер шешуші талап баға болып табылатын ретпен жүргізіледі.

Ескерту: 64-тармаққа өзгертулер енгізілді - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ бұйрығымен .

65. Құнды ұсыныстар сұрату, тауарларды, (жұмыстарды, қызметтерді) сатып алудың жылдық көлемі табиғи монополиялар субъектілерінің мемлекеттік тіркелімінің республикалық бөліміне енгізілген табиғи монополиялар субъектілері үшін - төрт мың айлық есептік көрсеткіштен; табиғи монополиялар субъектілерінің мемлекеттік тіркелімінің жергілікті бөліміне енгізілген табиғи монополиялар субъектілері үшін - екі мың айлық есептік көрсеткіштерден аспаған жағдайда ғана пайдаланылады.

Ескерту: 65-тармақ жаңа редакцияда жазылды, өзгертулер енгізілді - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ , 2005 жылғы 28 желтоқсандағы N 374-НҚ , 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрығымен .

66. Баға ұсыныстары бойынша жеткізушіні таңдау мақсатында жыл бойы сатып алынатын біркелкі тауарлар көлемін қаржыландыру жылы бойынша бөлшектеуге жол берілмейді.

Ескерту: 66-тармаққа өзгерту енгізілді - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ бұйрығымен .

67. Тапсырыс беруші сатып алынатын материалдық ресурстар бойынша ұсыныстарды жазба түрде екеуден кем емес тапсырушымен өздері қосылған және/немесе әлеуетті жеткізіп берушіден түскен барлық баға ұсыныстарын белгіленген мерзімде қарайды, сатып алу туралы шарт тапсырыс беруші мен ең төменгі баға ұсынған әлеуетті жеткізіп беруші арасында жасалады.

67-1. Әрбір әлеуетті жеткізіп беруші бір ғана баға ұсыныстарын ұсынады, ол жазбаша түрде (төлеуге арналған шот, web-сайттың ақпаратты және басқа да) ресімделуге тиіс. Жеке тұлғалардың баға ұсынысы жеке куәлігінің нөмірін және банктік деректемелерін, егер олар болса, көрсете отырып, тапсырысшы басшысының атына өтініш түрінде ресімделеді.

Егер сатып алынатын тауарларды (жұмыстарды, қызметтерді) сатуға және жеткізуге арналған қызмет міндетті лицензиялауға жататын болған жағдайда, тапсырысшы осындай лицензияның нотариалды куәландырылған көшірмесін с ұ р а т а д ы .

Ескерту: 67-1-тармақпен толықтырылды - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрығымен .

19-тарау. Бір көзден сатып алу және оны қолдану талаптары

68. Бір көзден сатып алу - бұл сатып алудың тендерді пайдаланбай атқарылатын түрі және мынадай жағдайларда өткізіледі:

1) сатып алынатын тауарлар, жұмыстар және қызметтер табиғи монополия субъектісі болып табылатын ықтимал өнім берушіде ғана болады немесе рыноктың қандай да бір субъектісі тауардың, жұмыстардың және қызметтердің тиісті түрінің бір ғана ықтимал өнім берушісі болып табылады, немесе сатып алынатын тауарлар, жұмыстар және қызметтер белгілі бір тауар рыногында монополиялық жағдайға ие рынок субъектісінде ғана болады немесе қандай да бір нақты ықтимал өнім беруші осы тауарларға, жұмыстарға және қызметтерге е р е к ш е к ұ қ ы қ қ а и е б о л а д ы ;

2) табиғи апаттарға байланысты төтенше жағдайлар туындаған жағдайларда (жер сілкіну, топан су, сел), табиғи өрттер, эпидемия және эпизоотиялар, ауылшаруашылық өсімдіктерін және ормандарды ауру және зиянкестер басқан

кезде, өндіріс, транспорт, басқа да апаттар кезіндегі, сондай-ақ апатты жағдайларда, өрттерде (жарылыстарда), улы, радиоактивті, биологиялық қатерлі заттар тараған кезде, ғимараттар мен имараттар кенеттен қираған кезде, плотиналар бұзылғанда, электроэнергетикалық және коммуникациялық өміршең жүйелер, тазалау имараттары апаты болғанда, осы тауарларға, жұмыстарға және қызмет көрсетуге қажетті тапшылық шұғыл орнағанда, Қазақстан Республикасының заңдарында бекітілген талаптарға сәйкес тендер өткізу жүргізілмейді;

3) қандай да бір өнім берушіден тауарлар, жұмыстар, қызметтер сатып алған тапсырыс берушіде бір ізге салу, стандарттау немесе сәйкестігін қамтамасыз ету мақсатында тауарларды, жұмыстарды және қызметтерді сол бір жеткізушіден осы тауарларға, жұмыстарға, қызметтерге деген сатып алу қажеттігі туындайды;

4) тендер өткізу мүмкіндігі екі рет орын ала алмаған жағдайда және тапсырыс берушінің осы Ережедегі 50-тармақтың 1) және (немесе) 2) тармақшаларын орындауға бағытталған қимыл шарасы сатып алу шартын түзуге алып келмесе;

4-1) тендер әлеуетті жеткізіп берушілерден өтінімдер болмауына байланысты өтпеді деп танылса.

5) алынып тасталды.

Ескерту: 68-тармаққа өзгертулер енгізілді - ҚР Табиғи монополияларды реттеу және бәсекелестікті қорғау жөніндегі агенттігінің 2003 жылғы 12 желтоқсандағы N 321-НҚ, 2005 жылғы 5 наурыздағы N 73-НҚ, 2005 жылғы 28 желтоқсандағы N 374-НҚ, 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз), 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі), 2009.02.05 N 30-НҚ Бұйрықтарымен.

68-1. Тауарларды, жұмыстар мен қызметтерді бір көзден сатып алудың негізі мынадай құжаттармен расталады:

1) әлеуетті жеткізуші тиісті бірыңғай тауарлардың (жұмыстардың, қызметтердің) жалғыз әлеуетті жеткізушісі болып табылатынына байланысты сатып алу қажеттілігін растау үшін - тиісті құзыретті органның осы тауарларды, жұмыстарды, қызметтерді тапсырысшының сатып алу қажеттілігі туралы қорытындысы, осы жеткізушінің тиісті тауарлардың (жұмыстардың, қызметтердің) жалғыз әлеуетті жеткізушісі болып табылатынын растайтын құжаттар;

2) қолда бар тауарлармен, жұмыстармен және қызметтермен сәйкестендіру, стандарттау немесе сыйысымдылығын қамтамасыз ету мақсатында сатып алудың қажеттілігін растау үшін - әлеуетті жеткізушінің бастапқы сатып алынған тауарларының, жұмыстарының немесе қызметтерінің, сәйкестендіру, стандарттау немесе сыйысымдылығын қамтамасыз ету мақсатында сандық және құндық

көрінісінде сатып алынатын тауарлардың, жұмыстар мен қызметтердің көлемдерін көрсете отырып, тапсырысшының осы тауарларды, жұмыстар мен қызметтерді сатып алу қажеттігі туралы құзыретті органның қорытындысы, сондай-ақ техникалық ерекшеліктің және (немесе) қолда бар тауарлармен, жұмыстармен және қызметтермен стандарттау, сәйкестендіру және сыйысымдылығын қамтамасыз ету қажеттігін растайтын өзге де құжаттың болуына сәйкес шарт;

3) екі ашық тендердің өткізілмегенін растауға байланысты сатып алу қажеттілігін растау үшін - осы тендерлер бойынша құжаттар: тендерлік комиссияларды құру туралы бұйрықтар; тендерлік құжаттамалар; тендерлік өтінімдер бар конверттерді ашу хаттамалары; тендерлердің қорытындылары туралы хаттамалар; әлеуетті жеткізушілердің қосымшаларымен бірге тендерлік өтінімдері; тендерлерді өткізу туралы мерзімді баспасөздегі хабарламалар;

3-1) ашық тендер өткізген кезде әлеуетті жеткізушілерден тендерлік өтінімдер болмауына байланысты сатып алудың қажеттігін растау үшін - осы тендер бойынша - мынадай құжаттардың: тендерлік комиссия құру туралы бұйрықтың, тендерлік құжаттаманың, тендердің қорытындылары туралы хаттаманың, мерзімді баспасөз басылымында жариялау күнімен тендерді өткізу туралы хабарландырудың көшірмелерін, бұл ретте ден қою шараларын келісуден және қабылдаудан бас тарту үшін тендерлік рәсімдерді бұзу негіз болып табылады;

4) алынып тасталды.

Осы тармақтың 1) және 2) тармақшаларында көзделген жағдайларды қоспағанда, бір көзден сатып алуды жүзеге асыру кезінде ықтимал өнім берушілер осы Ереженің 13-тармағында көзделген біліктілік талаптарына сәйкес келуге тиіс.

Ескерту: 68-1-тармақпен толықтырылды, өзгертулер енгізілді - ҚР Табиғи монополияларды реттеу және бәсекелестікті қорғау жөніндегі агенттігінің 2003 жылғы 12 желтоқсандағы N 321-НҚ, ҚР Табиғи монополияларды реттеу агенттігінің 2005 жылғы 5 наурыздағы N 73-НҚ, 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз), 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрықтарымен.

69. Бір көзден сатып алуды жүргізген жағдайда тапсырыс беруші әлеуеті жеткізушіден ол ұсынатын барлық тауарларға бағалардың, жұмыстардың және қызмет көрсетудің қажетті негіздемелерін сұраттырады.

70. Тапсырыс беруші бір көзден сатып алған кезде мынадай ақпарат бар хаттама түзуі керек:

- 1) бір көзден сатып алудың тәсілін негіздеу;
- 2) сатып алынатын материалдық, қаржылық ресурстар мен көрсететін

қызметтердің

сипаттамасы;

3) сатып алу жөнінде шарт түзілетін әлеуетті жеткізіп берушінің атауы мен мекен-жайы және осы шарттың бағасы.

20-тарау. Ашық тауар биржалары арқылы сатып алу

71. Егер сатып алу процесі кезінде алынатын тауар тек ашық тауар биржасының тізімдемесі арқылы сатылатын болған жағдайда, сатып алу Қазақстан Республикасының тауарлы биржалар туралы заңнамаларына сәйкес атқарылады.

21-тарау. Сатып алу шарты

72. Тендердің қорытындысы шығарылғаннан кейін бес күн аралығында тендерлік өтінімнің жеңімпазы болғаны жөніндегі ақпарат тапсырыс берушінің қолы қойылған жазбаша хабарлама шартпен қоса әлеуетті жеткізушіге жіберіледі .

Шарт, жақтардың өкілдері қолдарын қойғаннан кейін қолданысқа енгізіледі.

Ескерту: 72-тармаққа өзгерту енгізілді - ҚР Табиғи монополияларды реттеу агенттігінің 2005 жылғы 28 желтоқсандағы N 374-НҚ бұйрығымен .

73. Тендердің жеңімпазы оның өтінімі жеңімпаз деп танылғаны туралы хабарламаны және сатып алу шартының жобасын алған сәттен бастап он күннің ішінде шартқа қол қояды немесе орын алған келіспеушіліктер туралы немесе шартқа қол қоюдан бас тартқаны туралы тапсырыс берушіге жазбаша хабарлама б е р е д і .

Ескерту: 73-тармаққа өзгертулер енгізілді - ҚР Табиғи монополияларды реттеу агенттігінің 2005 жылғы 5 наурыздағы N 73-НҚ , 2005 жылғы 28 желтоқсандағы N 374-НҚ , 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрықтарымен .

74. Тендердің жеңімпазы болған әлеуетті жеткізіп беруші 73-тармақта белгіленген мерзімде шартқа қол қоймаған жағдайда, тапсырыс беруші өлшемі жағынан жеңімпаздан кейінгі, ұсынысы Ереженің 51-тармағында бекітілгендей тапсырыс беруші үшін басым тиімділігі бар, тендердің басқа қатысушысымен шартқа отыруға құқылы және ол туралы тендердің қорытындысы жөніндегі х а т т а м а д а р а с т а л а д ы .

74-1. Сатып алу шарттары, тендерлік құжаттама, сатып алу хаттамалары, ықтимал өнім берушілердің өтінімдері және өткізілген сатып алу жөніндегі өзге материалдар тапсырысшыда кем дегенде бес жыл сақталады.

Ескерту: 74-1-тармақпен толықтырылды - ҚР Табиғи монополияларды реттеу агенттігінің 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрығымен .

75. Жеткізушінің таңдауына негіз болған, ұсыныстың мазмұнын өзгертуі мүмкін (бағасын төмендетуден басқа) сатып алу туралы қол қойылған шартқа, өзгертулер және/немесе сатып алу туралы шарттың жобасына жаңа талаптар енгізуге тыйым салынады .

Жеткізушінің таңдауына негіз болған сапаның, көлемнің және басқа да талаптардың сапасының өзгермеу талабымен бағаны төмендетуге қатысты мемлекеттік сатып алу туралы шарттың жобасына немесе қол қойылған мемлекеттік сатып алу туралы шартқа өзгерістер енгізуге рұқсат етіледі.

Тапсырысшы шарт бағасын төмендету мақсатында тендердің жеңімпазы болып танылған әлеуетті жеткізушімен мемлекеттік сатып алу туралы шартқа қол қойғанға дейін келіссөздер жүргізуге құқылы. Осыған байланысты әлеуетті жеткізуші бұндай төмендетуге келіспеуге құқылы, бірақ бұл тапсырысшыға тауарларды, жұмыстарды, қызметтерді сатып алу бойынша тендердің жеңімпазы болып табылған әлеуетті жеткізушімен жасалған шартқа қол қоюдан бас тартуға құқық бермейді .

Егер тауарларды, жұмыстарды, қызметтерді сатып алу туралы шарттың орындалу процесінде сатып алынатын тауарларға (жұмыстарға, қызметтерге) ұқсастардың бағалары төмендеу жағына өзгерсе, онда тапсырысшы мен жеткізушінің өзара келісімі бойынша осы тармақтың ережелерін ескере отырып, сатып алу туралы шартқа тиісті өзгерістер енгізілуі мүмкін.

Ескерту: 75-тармақ жаңа редакцияда жазылды - ҚР Табиғи монополияларды реттеу және бәсекелестікті қорғау жөніндегі агенттігінің 2003 жылғы 12 желтоқсандағы N 321-НҚ бұйрығымен .

76. Табиғи уәкілетті орган, табиғи монополия субъектісі Қазақстан Республикасының табиғи монополиялар туралы заңдарын бұза отырып тендер жеңімпазымен шарт жасасқанға дейін, оның нәтижесін қабылдамауға және табиғи монополия субъектісін қайта тендер өткізуге міндеттеуге құқылы.

77. Сатып алу туралы шартқа Қазақстан Республикасының Азаматтық кодексінің нормалары қолданылады.

22-тарау. Осы Ережені бұзғаны үшін жауапкершілік

78. Уәкілетті орган, табиғи монополия субъектісінің тарифтерді (баға, алым ставкасы) бекіту туралы өтінімін осы Ережеде бекітілген тендер өткізу талаптары бұзылған жағдайда кері қайтаруға құқылы.

78-1. Осы Ережемен белгіленген рәсімдерді бұзып өткізілген тендерлердің нәтижелері бойынша сатып алынған тауарларды, жұмыстарды, қызметтерді сатып алуға арналған шығындарды уәкілетті орган табиғи монополия субъектісінің тарифіне енгізбейді.

Ескерту: 78-1-тармақпен толықтырылды - ҚР Табиғи монополияларды реттеу және бәсекелестікті қорғау жөніндегі агенттігінің 2003 жылғы 12 желтоқсандағы N 321-НҚ бұйрығымен .

79. Осы Ереженің бұзылғандығына кінәлі адамдар Қазақстан Республикасының заңдарына сәйкес жауапкершілікке тартылады.

Табиғи монополиялар субъектілерінің шығындары олар көрсететін қызметтерге тарифтер (бағалар, алымдар ставкаларын) қалыптастыру кезінде ескерілетін материалдық, қаржылық ресурстарды және қызметтерді сатып алу ережесіне
1-қосымша

Ескерту: 1-қосымша жаңа редакцияда - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз), өзгерту енгізілді - 2007 жылғы 16 шілдедегі N 189-НҚ (алғаш рет ресми жарияланған күнінен бастап қолданысқа енгізіледі) бұйрықтарымен .

Алда тұрған тендер туралы хабарландыру нысаны

(тапсырысшының толық атауы)

мынадай тауарларды, жұмыстар мен қызметтерді: (тауарлардың, жұмыстар мен қызметтердің және олардың санын (көлемін) құнын көрсетпей-ақ қысқаша сипаттау); (бір тендерде тауарлардың, жұмыстар мен қызметтердің бес және одан көп атауларын сатып алған жағдайда, тендерді өткізу туралы хабарландыру сатып алынатын тауарлардың, жұмыстар мен қызметтердің толық тізбесі тапсырысшының тендерлік құжаттамасында көрсетілген сілтемені қамтуға тиіс. Тапсырысшының web-сайты болған кезде, соңғысы сатып алынатын тауарлардың, жұмыстар мен қызметтердің толық тізбесін web-сайтта көрсетеді). сатып алу жөнінде ашық (қайталама) тендер өткізу туралы хабарлайды.

Тауарлар, жұмыстар мен қызметтер жеткізілуге (орындалуға/көрсетілуге) тиіс :

(тауарлар жеткізілетін, жұмыстар орындалатын немесе қызметтер

көрсетілетін орынды көрсету)

Жеткізудің (орындаудың, көрсетудің) талап етілген мерзімі.

Тендерге қатысуға Қазақстан Республикасы Табиғи монополияларды реттеу және бәсекелестікті қорғау жөніндегі агенттігі төрағасының 2003 жылғы 6 маусымдағы N 149-НҚ бұйрығымен бекітілген Табиғи монополиялар субъектілерінің шығындары реттеліп көрсетілетін қызметтерге тарифтер (бағалар, алым ставкаларын) немесе олардың шекті деңгейлері мен тарифтік сметалар бекіту кезінде ескерілетін тауарларды, жұмыстар мен қызметтерді сатып алу ережесінің 13-тармағында көрсетілген, біліктілік талаптарына жауап беретін барлық ықтимал өнім берушілер жіберіледі.

Тендерлік құжаттама пакетін _____ жылғы " ____ " _____ сағат _____ минутке дейінгі мерзімді қоса (тендерлік өтінімдер бар конверттерді ашқанға дейін 24 сағат ішінде уақыты мен күнін көрсету) _____, мекен-жай бойынша N ____ бөлмеден _____ сағаттан _____ сағатқа дейін алуға б о л а д ы .

Тендерлік құжаттама пакетінің құны _____ теңгені құрайды және _____ шотына (тапсырыс берушінің тиісті шотын көрсету) не бухгалтерияға енгізіледі. Шағын кәсіпкерлік субъектілері және Қазақстан Республикасы мүгедектерінің қоғамдық бірлестіктері жасап отырған тауарларды, жұмыстар мен қызметтерді өндіретін ұйымдарға тендерлік құжаттама тегін беріледі (егер тендерлік құжаттаманы бергені үшін ақы өндіріп алу хабарландыруда көзделмеген жағдайда, тендерлік құжаттаманың тегін берілетіндігін көрсеткен жөн).

Тендерге қатысуға арналған, конвертке салынған тендерлік өтінімдерді

(тапсырысшының толық атауы)

ықтимал өнім берушілер _____

N ____ бөлме мекен-жайы бойынша ұсынады.

Тендерлік өтінімдерді ұсынудың түпкілікті мерзімі _____ жылғы " ____ " _____ сағат _____ минутқа _____ дейін.

Тендерлік өтінімдер бар конверттерді мына мекен-жай бойынша: _____ N ____ бөлмеде _____ жылғы " ____ " _____ сағат _____ минутте тендерлік комиссия ашатын болады.

Ықтимал өнім берушілер және олардың өкілдері тендерлік өтінімдер бар конверттерді ашу кезінде қатыса алады.

Табиғи монополия субъектісінің қызметтерін (тауарларын, жұмыстарын) тұтынушылар тауарларды (жұмыстарды, қызметтерді) сатып алу жөнінде (

тапсырысшының атауы) өткізетін тендерге байқаушы ретінде қатысуға құқылы.

Қосымша ақпарат пен анықтаманы мына телефон арқылы: (қаланың коды мен телефон нөмірін көрсету қажет) алуға болады.

Табиғи монополиялар субъектілерінің шығындары олар көрсететін қызметтерге тарифтер (бағалар, алымдар ставкаларын) қалыптастыру кезінде ескерілетін материалдық, қаржылық ресурстарды және қызметтерді сатып алу ережесіне

2-қосымша

Жабық тендерді өткізу туралы хабарлау нысаны

Кімге _____ мынадай
(әлеуетті жеткізіп берушінің атауы)
материалдық, қаржылық ресурстарды және қызметтерді сатып алу жөнінде (материалдық, қаржылық ресурстардың және қызметтердің және олардың санын (көлемін) _____ қысқаша _____ сипаттау);

(сатып алынатын материалдық, қаржылық ресурстардың және қызметтердің толық тізбесі, олардың саны мен тендерлік құжаттамада көрсетілген жан-жақты ерекшелігіне тапсырыс беруші сілтеме жасауға құқылы) _____

_____ жабық тендерді өткізу
(тапсырыс берушінің атауы)
туралы Сізге хабарлайды және Сізді оған қатысуға шақырады.

Материалдық және қаржылық ресурстар жеткізілуі керек. (жұмыстар немесе қызметтер орындалуы/көрсетілуі) (материалдық, қаржылық ресурстардың жұмыстардың немесе қызметтердің орындалған/көрсетілген жеткізілетін _____ орнын _____ көрсету).

Жеткізудің (орындалудың/көрсетілудің) _____ талап етілген _____ мерзімі.

Тендерге біліктілік талаптарға сай болатын ереженің 13-тармағында көрсетілген барлық жеткізіп берушілер жіберіледі.

Тендерлік құжаттама пакетін "___" _____ жыл мерзіміне дейін (тендерлік өтінімдер бар конвертті ашқанға дейін 24 сағат ішіндегі күні мен уақыты) қоса берілген мекен-жай бойынша _____ бөлменің N _____ сағат ішінде немесе тендерлік құжаттаманың төлемі туралы әлеуетті жеткізіп беруші құжатын ұсынғаннан кейін электрондық пошта арқылы _____ мекен-жай бойынша алуға болады.

Тендерлік құжаттама пакетінің құны _____ теңге құрайды (осы абзац алынып тасталады, егер төлем алдын-ала ескерілмесе).

Тендерге қатысуға арналған тендерлік өтінімдер конверттерде мөрленген,

әлеуетті жеткізіп берушілермен (тапсырыс берушінің атауын көрсету) мекен-жай бойынша (толық мекен-жайды, бөлменің N көрсету) ұсынылады (жолданады).

Тендерлік өтінімдерді ұсынудың соңғы мерзімі (уақытты және күнді көрсету)
д е й і н .

Тендерлік өтінімдер бар конверттер мынадай мекен-жай бойынша (толық мекен-жайын, бөлменің N көрсету) ашылады (уақыты және күнін көрсету). Тендерлік өтінімдер бар конвертті ашқан кезінде әлеуетті жеткізіп берушілер қ а т ы с а а л а д ы .

Қосымша ақпаратты және анықтаманы (телефон нөмірін көрсету) телефон арқылы алуға болады.

Табиғи монополиялар субъектілерінің шығындары олар көрсететін қызметтерге тарифтер (бағалар, алымдар ставкаларын) қалыптастыру кезінде ескерілетін материалдық, қаржылық ресурстарды және қызметтерді сатып алу ережесіне

3-қосымша

(Кімге) _____

(тапсырыс берушінің атауы)

(Кімнен) _____

(әлеуетті жеткізіп берушінің атауы)

Тендерге қатысуға арналған өтінім

(заңды тұлғалар үшін)

(тен дер ді ң ата у ы)

тендерді өткізу жөніндегі тендерлік құжаттамаларды қарап, алынуы осымен куәландырылатын, тендерлік құжаттамаға сәйкес _____

жалпы

(ц и ф р а м е н және ж а з б а ш а)

сомаға тауарлардың (жұмыстарды орындау, қызметтер көрсету) м ы н а д а й л о т т а р б о й ы н ш а

(лоттар бойынша материалдық және қаржылық ресурстарды және қызметтерді жан-жақты сипаттау)

(әлеуетті жеткізіп берушінің атауы)

жеткізілуін жүзеге асыруды ұсынады.

Осы тендерлік өтінім мыналардан тұрады:

1. _____
2. _____
3. _____
4. _____
5. _____
6. _____
7. _____
8. _____
9. _____

Табиғи монополиялар субъектілерінің шығындары реттеліп көрсетілетін қызметтерге тарифтер (бағалар, алым ставкаларын) немесе олардың шекті деңгейлері мен тарифтік сметалар бекіту кезінде ескерілетін тауарларды, жұмыстар мен қызметтерді сатып алу е р е ж е с і н е

6-қосымша

Ескерту: 6-қосымша жаңа редакцияда - ҚР Табиғи монополияларды реттеу агенттігінің 2006 жылғы 14 тамыздағы N 204-НҚ (қолданысқа енгізілу тәртібін 5-тармақтан қараңыз) бұйрықтарымен .

_____жылғы _____тоқсан кезеңдегі сатып алуды өткізу туралы ақпарат

Сатып алудың тәсілі	Тауардың атауы және Тізбедегі ұстаным	Тауардың, жұмыстардың ж ә н е қызметтердің бірлігі	Сатып алуға бөлінген сомасы (мың теңге)	Сатып алудың өткізу мерзімі	Шарттың нөмірі, мезгілі және сомасы (немесе сатып алу болған жағдайда)	Жеткізушінің атауы және о н ы ң деректемелері	Ескерту, сондай-ақ уәкілетті органымен келісу туралы ақпарат